



Jon Pult (ps Cuira) ha criticatgà vehementamain la missiva da la regenza ed ils plans olimpics dal chantun Grischun ch'il deputà Peter Engler ha defendì (pld Tavau).

FOTO M. HARTMANN

Avrir u serrar ils eglis

Il credit d'obligaziun ha chaschunà ina discussiun olimpica en il cussegl grond

■ (anr/ac) Malgrà la maiorità burgaisa en il cussegl grond ch'è s'exprimida a favur dal credit d'obligaziun da 25 milliuns francs per la candidatura grischuna dals gieus olimpics 2026 è già la debatta d'entrada dal glindesdi passà en il parlament grischun stada intensiva. La fracziun da la Partida socialdemocratica ha fatg valair ses arguments envers ina candidatura grischuna per ils gieus olimpics. Il deputà Jon Pult (ps Cuira) ha già fatg cler a l'entschatta da ses votum ch'ina na saja betg in di da la diplomazia. La missiva da la regenza grischuna ha l'antierur president da la Partida socialdemocratica grischuna valità per impertinenta e discurrì dad ina naschientscha morta. Pult ha explitgà ils puncts principals da sia critica ch'èn tenor ses avis arguments da proponer a deputadas e deputads da renviar la missiva da la regenza. Pult ha fatg attent als clers signals politics dal cussegl e dal parlament da la citad da Turitg da na vulair savair nagut da gieus olimpics. In fatg ch'ìls promoturs dals gieus olimpics en il chantun Grischun refusan cumplettamain. Ed el ha medemamain ditg ch'il chantun Sursilvania saja s'exprimì encunter ils plans grischuns ed il concept grischun per ina candidatura per gieus olimpics. Vinavant ha il deputà menziunà ils gieus olimpics dals davos 60 onns che na sajan mai stads durabels e che hajan chaschunà cuntinuadamein deficits. El ha renfatschà als promoturs dals gieus olimpics da crair vid la forza dals tschertgels olimpics e dad ignorar cumplettamain la realità. Pult è da l'idea che la re-



Gronda atenziun per la debatta er da la tribuna anora.


FOTO RTR

genza ed ils represchentants da la economia grischuna sajan per gieus olimpics encunter la veglia dal pievel.

La maiorità burgaisa è pro olimpia

Da la vart burgaisa dal cussegl grond è sullet il deputà Paola Papa (pbd Calanca) s'exprimì encunter il credit d'obligaziun. Tut ils ulteriurs exponents che èn s'exprimids en la debatta d'entrada han discurrì a favur da la candidatura e fatg valair ils avantatgs per il chantun Grischun. En emprima lingia il president da la cumisiun predeliberanta Peter Engler (pld Tavau). El ha menziunà la tenuta da l'IOC che haja midà la strategia vers l'organiziun da gieus olimpics da sa drizzar ad ina strategia pli durabla. Perquai che pliras

citads nun hajan vuli organisar ils gieus olimpics. Uschia saja pussaivel da duvrar infrastruttura existenta per futurs gieus olimpics e quei fatg pledia a favur da la candidatura grischuna. Sco ina gronda schanza han il president da la cumisiun predeliberanta e plirs exponts da las partidas burgaisas valità eventuals gieus olimpics per l'infrastructura grischuna ed en spezial per la digitalisaziun dal chantun. Engler ha ditg a deputadas e deputads da serrar ils eglis e da s'imaginar las emeziuns olimpicas a favur da la giuventgna grischuna. Peter Peyer (ps, Trin) perencunter ha avertì deputadas e deputads da far quai ed appellà d'avrir bain ils eglis e sa confruntar cun la realità olimpica.



CARICATURA J. GUIDON